

# Nikolaus - Verser'e 2012



der  
DJK Thannedorf

Inhaltsverzeichnis

|                            |                         |    |
|----------------------------|-------------------------|----|
| Einleitung.....            | (Pawo).....             | 3  |
| Haider Norbert .....       | (Johanna/Pawo).....     | 9  |
| Hehberger Gerd .....       | (Ostner).....           | 12 |
| Münsch Andreas .....       | (Grade & Flo).....      | 14 |
| Hartl Patrick .....        | (Ostner).....           | 19 |
| Pawo .....                 | (Johanna/(Pawo).....    | 20 |
| Berger Martin .....        | (Mario).....            | 22 |
| Sittinger Michael .....    | (Grade & Flo).....      | 23 |
| Plattner David .....       | (Mario).....            | 24 |
| Roßdorf Björn.....         | (Ostner).....           | 26 |
| Ostner Christoph .....     | (Grade & Flo/Pawo)..... | 27 |
| Sager Lukas .....          | (Mario).....            | 30 |
| Weixlgartner Stefan .....  | (Haider).....           | 31 |
| Lehner Rudolf .....        | (Pawo).....             | 32 |
| Kroiss Renate .....        | (Julia).....            | 33 |
| Kroiß Tobias .....         | (Julia).....            | 34 |
| Brandl Harald.....         | (Pawo).....             | 35 |
| Kagerer Stephan .....      | (Mario).....            | 36 |
| Maier Sebastian .....      | (Grade & Flo).....      | 37 |
| Frey Christian.....        | (Haider).....           | 38 |
| Kapfhammer Christoph ..... | (Johanna).....          | 39 |
| Gamsreiter Roland .....    | (Julia).....            | 41 |
| Läng Alex .....            | (Mario).....            | 42 |
| Läng Mario .....           | (Grade & Flo).....      | 43 |
| Gamsreiter Stefan .....    | (Pawo).....             | 45 |
| Sager Florian .....        | (Ostner).....           | 46 |
| Thalmeier Andreas .....    | (Johanna).....          | 47 |
| Stömmer Dominik .....      | (Grade & Flo).....      | 48 |
| Grad Maximilian .....      | (Ostner).....           | 49 |
| Sänger Patrick .....       | (Julia/Pawo).....       | 50 |
| Huber Manfred .....        | (Julia).....            | 51 |
| Schluss.....               | (Pawo).....             | 53 |

## Einleitung

(Pawo)

Griaßt Eich Gott  
es liaben Leit  
g'rfeit mi, dass wieder  
so vui kumma sand heit

I muaß scho song  
i bin ja wirklich froh  
dass überhaupt oi Leit  
san do.

Denn i hab mir scho  
meine Gedanken g'macht  
wos soi i jetzt doa  
am Samstag auf d'Nacht

Soi i überhaupt kema,  
macht des no Sinn?  
Weil heid normal  
eh koana kimmd

Denn nach an Weltuntergang  
wenn nix mehr duad steh,  
do hod koana a Lust, auf a  
Weihnachtsfeier zu geh

Denn gestern wärs ja eigentlich  
so weit g'wen.  
Aber anscheinend hobs a ihr  
den Weltuntergang überseng

Ja so sans die Thanndorfer  
i hab's mir scho denkt:  
Es sogst eich: „Weltuntergang? Koa Zeit,  
i brauch z'erst no G'scheng

Da ander sogt: „Koa DSL  
und Handyempfang is a koana do,  
dann san ma a mid'm Weltuntergang  
a vei später dro

---

I bin ja heid scho

a Zeitlang unterwegs  
immer querfeld ein  
und oftmoi überregs

Dann hob mi a no  
a bissal verfohn  
I bin halt a nimmer da Jüngste  
i woäß des schon.

I hob hod ned glei  
des Thanndorf g'funden  
weil vo ob'n schaut ois ganz anders aus  
wia von unten

Es is hoid schwierig  
und einfach bled  
weil do oben  
a a Navi ned geht

I hob extra a Smartphone kauft,  
für die Navigation  
dass des nur auf da Erden geht  
ja, wer woäß des schon?

Und dann bei der Kält'n  
die ganze Wischerei  
und des ohne Handschua,  
do gehst ma glei!

Mir sama no so richtig  
ausg'schimpft worn,  
wenn wir mit de Finga auf an  
Bildschirm hidappt hon

Aber jetz is des oisse  
ganz normal  
dass a Bildschirm vollbatzt wird  
oben, unten und überall

Es wird g'wischt aufe und owi  
hin und her  
anfangs hob mi gfragt,  
was treibt denn der?

I hob die ganze Zeit  
überlegt und spekuliert  
ob der vielleicht lernt,  
wie man dirigiert

Aber na, de Bedienung  
hom's erneiert.  
Denn durchs Umananderwischen  
wird so Handy jetzad g'steiert

Ja, des mit de Smartphones  
des is scho a Phänomen  
was die ois kennan -  
ganz extrem!

Ob E-Mail, Facebook  
oder Internet  
Kamera, Foto  
und Online-Chat

Sogar Video  
und Fernsehschaun  
es ist unglaublich,  
man glaubt es kaum

Musikhearn  
und navigieren  
damit kann a i  
mi nimmer verirren

I bin mir gar net mehr sicher  
denn mir iss ned ganz klar  
ob ma mit de Dinga  
überhaupt no telefonieren ka

Aber des Internet immer aktiv  
an jedem Ort,  
de ganz Zeit online,  
immerfort,

immer Zugriff  
auf das Menscheitswissen  
aber selber nix mehr  
wissen müssen

Sunst hat man a noch diskutiert  
und auch mal g'wett't  
Jetzt fragt ma z'erst an Herrn Google  
im Internet

Aber wenn der Akku  
is plötzlich laa, oh weh,  
dann dearns gelangweilt  
umananda steh.

A jeder schaut  
verleg'n nach unt',  
wei koana mehr woaß,  
wos er jetzt woi song kunt

Aber in Thanndorf hat man  
des Problem eh no ned  
denn beim Wirt gibt's koan Handempfang  
und a koa Internet

Aber des soll se ja ändern  
mit dem langsama DSL,  
mit Glasfaser nach Thanndorf  
und superschnell

Im Gemeindeblatt'l is g'standen,  
dass ma's vielleicht heuer no seng  
aber jetzt hamm Ende Dezember  
i glaub des wird eng

Aber im letzten Blattl  
haben's es eh schon geschrieben  
dass des auf nächstes Jahr  
müssen verschieben

Ich hab's aber erfahren  
von höchster Stell,  
von einer ganz sicheren,  
verlässlichen Quell

2013 kommt des schnelle Internet  
ganz sicher und a ganz g'schwind -  
– ausser, ....  
wenn was dazwischen kimmd

---

Aber jetzt dua lieber  
über Fuaßboiner red'n  
moi schau'n, wos mir hab'n  
die Engal do geb'n

Von oben war sehr  
ja vieles zum seh'n  
wos in 2012  
iss so alles g'scheh'n

Die sportliche Analyse  
soid heier a andrer mocha  
weil do is mir heier  
nimmer zum Locha

I glaub dass es ist  
allen bekannt,  
dass man jetzt steh'n  
mit dem Rücken zur Wand

I mecht aber auf koin Fall  
die Mannschaft anklong  
denn sie dearn ja eh meistens alles,  
des muaß i scho song'n

Oft war halt der Herrgott  
a nicht ganz gerecht,  
aber do kann ned moi l wos moacha,  
a wenn i gern mecht

Drum iss jetzt wichtig  
nicht zu verzagen  
und im Frühjahr auf alle Fälle  
den Angriff wagen

---



**Haider Norbert**

(Johanna/Pawo)

Afanga derma,  
wia soid's anders sein,  
mid'm Präse vo  
dem Verein.

Von oben dua i des  
alles sehn,  
dass im vergangenen Jahr  
viel Stress is gwen.

Ob in deiner Funktion ois Vorstand  
oda mid deiner Arbeiterei,  
du warst immer mit vollem  
Körpereinsatz dabei.

Doch ois wos noch Achte  
auf d'Nocht is gwen,  
host du meistens  
nimma g'sehn.

Ob's a Geburtstagsfeier  
oder zum Furtgeh war a weng,  
um de Zeit bist du  
scho lang aufn Kanapee g'leng.

Lieber Norbert  
Haida,  
so geht des fei nimma  
weida.

I dua des ganze  
scho so seh'n,  
wer arbeitet,  
soll auch Feiern geh'n.

Drum los di ned weiderhin  
so henga,  
dua a bissl an die  
Frauenwelt denga.

Denn vom Kanapee aus  
iss eher schwierig  
dass oane wird  
auf di begierig

---

(Pawo)

Norbert, aber oans  
des dad mi scho no interessiern  
Wann moi wieder wos  
mit dein'm Robau duad passiern

I glaub letzt' Jahr  
is ja gar nix weiterganga  
d'Leit glaub'n scho  
dass Dir des Geld is ausganga

Aber do bin mir sicher  
und des zienmlich gwis  
dass des ned s'Geld,  
sondern Zeitnot is

Vielleicht ist des aber a  
weils so angenehm is,  
wenn a jeder Dog,  
wia im Himmel is

Denn Dir wird do g'waschn, g'kocht  
und a no g'ramt zam  
Des is scho gmiatlich  
dahoam bei der Mam

Am End is aber besser  
im eigenen Heim.  
Denn des kimmt scho besser,  
wennst oane lad'st ein.

---

Jetzt hob ido aber no  
a ganz anders Problem.  
Wia is des heier  
mit Deine Verserl gwen?

I hob's vo oben  
ganz g'nau gsehn  
dass'd erst heit Mittag  
bist beim Pawo gwen

„Du Pawo, I fang heid Mittag glei o  
mid der Reimerei  
die Verserl,  
die hab i glei

Du hast dann tatsächlich  
zwoa no g'schafft  
Für mehr hods aber  
ned g'reicht Die Kraft

Für diejenigen ohne Verserl  
deards ned verzagen  
deads danach einfach  
an Haider fragen.

**Hehberger Gerd**

(Ostner)

Und Tradition ist es jetztad  
a scho lang  
Jetzt is da Trainer dra  
earm wird scho ganz bang

Hehberger Gerhard  
es kennst'n ja  
Trainer nun schon  
des zweite Jahr.

Auch heuer hodas wieder kracha lass'n,  
mit seinen 34 Jahr,  
und fährt mit de Junga  
zu „Rock im Park“ sogar

(nikolaus schaut in die runde)

Mei do hams g'schaud  
de ganz'n Junga  
wia da Gerd hod  
auf da Straß' midgsunga

An Fahrer hoam  
hoda dann a no g'macht  
do hoda ned lang  
a G'schieß verbracht.

Sportliches ja des gibt's  
auch heuer zu berichten  
auf des sollten wir  
natürlich ned verzichten.

Mid'm Verletzungspech da  
hod die DJK des Glück verlassen,  
sogar du host heuer  
an Flügel g'lass'n

Da hast du a ganz a  
neue Erfahrung g'macht  
denn de meiste Zeit  
host du an da Auslinie verbracht

Aber seit a paar Wochen  
bist du wieder voi dabei,  
jetzt g'spürst a wieder selber  
dei Schintarei

Um eher fertig zum werd'n  
wird Freitags jetzt scho um halb Sieben trainiert,  
An Gerd des aber  
ned wirklich intressiert

Des Training dauert weiterhin  
bis um neun  
i glaub deine Spieler dern  
den Vorschlag jetz scho bereu'n

In da Rückrund'n hoast's  
jetz Punkte hoin  
mia woima ja ned  
ind A-Klass' obe voin (fallen)

Aber da mach ma i  
gar koane Sorgen  
das ma mid dir  
de Punkte ned wern besorgen

---

## Münsch Andreas

(Grade & Flo)

Oane der sunst immer  
ganz am Schluss duad steh'n  
über den dearm ganz  
am Anfang jetzt re'n.

(Pawo)

Damit er ned den ganzen Abend  
schwitzen werd  
weil er hofft, hoffentlich hod da Nikolaus  
ned oisse g'herd

Das Comeback des Jahres,  
wos soi i „Oisse“ groß song,  
derma doch einfach,  
an Münsch Andreas frong.

(Grade & Flo)

Es hod ned lang dauert,  
dann warst wieda in Form,  
mittlerweile entsprichst a wieda,  
deiner oidn Norm.

Es hod ned lang dauert,  
dann warst wieda in Form,  
mittlerweile entsprichst a wieda,  
deiner oid'n Norm.

Auf Geburtstagsfeiern,  
bist du gerne gesehen,  
auch wenn manchmal,  
ein paar Verletzungen entstehen.

Du bist Voigas an'n Türstock grennd,  
mit deinem Hirn.  
Seitdem bist gekennzeichnet,  
an deiner Stirn

A schene Platzwund'n,  
hat dann deinen Kopf geschmückt,  
und nur weils'd am Mäd'l davo bist,  
des wo noch dir war verrückt.

A lustige Aktion vo dir,  
a jeder hod a glocht,  
nur des Mäd'l,  
des hod se glei Sorgen g'mocht.

Sie woid dir dann a nima,  
von der Seite weicha,  
sogar zum Heimfahren,  
host di miasn schleicha.

---

Am Sonntag nochm Fussball,  
loss'd di a wieda beim Wirt blicka,  
und beim Hoamgeh duasd di,  
-wia sunst hoid a- meistens ned so schicka.

Mit de Spielermäd'ls,  
duasd du a weng auf'n Putz hau'n,  
und a beim Schnapsln,  
lasst di du ned aschau'n.

Dass de Mädls,  
a ganz sche kinnan dringa,  
do kannst jetzt du wohl  
a Liad'l davo singa.

Du mechsd dein Mann steh  
und mithalten mit den Frauen,  
aber am Montag in da Früh,  
kommt dann das böse Grauen.

Da is dann klar,  
mit da Arbeit geht nix,  
und du brauchst auf einmal;  
Urlaub recht fix.

---

Rock im Park,  
wieda so a Veranstaltung mit dir,  
is ja a klar,  
es gibt ja vai gnuu Bier.

Es hod ned lang dauert,  
dann warst du dort auch bekannt,  
nackter Oberkörper, rote Hose  
und immer ein Bier in da Hand.

4 Tage bist so rumgelaufen,  
ungelogen,  
und hast a scho,dei eigene  
Duftmarke hinterhergezogen.

Fast alle Frauen,  
waren hinter dir her,  
aber hättst wenigstens oa moi dei Hosn gwechselt,  
du Riesensaubär.

---

Im Arnstorfer Volksfest, hast jetz a ned  
nur Wasser drunga,  
sondern eher scho guad g'feiert  
und beim Hoamgeh laut g'sunga.

Man kanns ned glaub'n,  
de Anwohner hat des ned so g'foin,  
de ham glei Polizei angruf'n  
und g'fragt wos des soin.

A schena Haufa,  
warts ihr do beim Hoamgeh,  
aber auf oa moi,  
bleibt de Polizei bei eich steh.

„Personalien her“,  
schreit der Polizist,  
doch du weißt gar ned,  
warum der jetzt so grantig ist.



Da Polizist schaut se  
dein Ausweis a,  
„Andreas Münsch,  
ist des wahr?“

„Ihr habts zuvor  
ganz sche laut g'sunga“.  
Du hast'n ned 'scheid verstanden, und earm g'fragt:  
„Was hab i g'wunga?“

---

Jetzt hamas ja eh,  
scho a paar mal thematisiert.  
es san immer de Mädls,  
auf de du bist fokussiert.

Du hast eine getroffen,  
es habts euch a paar mal g'seng,  
und es hat den Anschein g'macht,  
ihr habt eich recht gern meng.

Beim Furtgeh hast'as dann,  
wieder mal getroffen,  
aber du warst halt,  
scho a bissl besoffen.

Du hast ihr gesagt:  
„I kann de ned leiden,  
des wird leider nix  
mit uns beiden.

Des Mäd'l war ganz traurig  
und is dann Hoam,  
du bist dann wieder an die Bar  
zum Weiderschwoam.

Du hast des dann  
am nächsten Tag g'wusst nimma,  
und bist zur ihr gefahren,  
was hat g'macht, es nur no schlimmer.

Sie hat se dengt,  
wos mecht jetzt der scho wieder!?  
Find er mi ja doch  
vielleicht ned ganz so zwider?

Sie hat ganz komisch g'schaut,  
wie du hast s'Reden ag'fangd  
und hast ihr namoi erklärt,  
das für a Beziehung ned g'langd.

Aber wir wissen ja alle,  
beim Münsche ist Sicherheit ein Muss,  
deswegen macht er mit Frauen,  
gleich zweimal Schluss.

Andreas,  
trink ned so viel oiwei,  
dann dadsd ah no wissen,  
wos kimmd aus dein'm Mei.

Lieber Andreas, ich hab jetzt noch eine Bitte:

Des waren jetz 30 Verserl  
wahrscheinlich sogar mehr,  
i hoff dass i nächstes Jahr,  
nimma so viel von dir her. (hören)

**Hartl Patrick**

(Ostner)

Beim Hartl Patrick  
unserm Kapitän  
ja do is heuer  
zum 30er feiern gwen

Für so a Feier g'herd  
natürlich so einiges eikauf't.  
des hod se a da Patrick denkt  
und is zum Schnapskaufa  
nach Arnstorf g'rennt

Dass da Partick auf keinen Fall  
wia 30ge ausschaut,  
des moand a d'Verkäuferin,  
und hod no doch glatt,  
wegam Ausweis ag'haud

Manchmoi da merkt ma bei earm  
des Allter dann doch scho a wengal  
denn SMS mit „Hallo mein Schatz“  
de g'hörn zum Mario am oia wengan

So bist immer recht  
brav des ganze jahr  
ois andere war in deim Alter  
a scho a wengal a Gefahr

Da Patrick is immer  
mit vollem Einsatz dabei  
sogar mit Muskelfaserriss steht er am Platz,  
des is gewiss

Er geht immer mit  
gutem Beispiel voran  
wos bei so manchen  
a ned schaden kann

---

**Pawo**

(Johanna/(Pawo))

Unser Pawo,  
da zwoate Präse vom Verein,  
über den gibt's a des  
oa oder andere Geschichtlein.

Man woas, ois wos zum doa hod mit  
Homepage, Internet und dem ganzen Computer-Ding,  
do kamma erm nix vormocha,  
do is er da King.

Doch dass er des wieder verpennt  
hätt i jetzt a ned denkt,  
er hod woi glaubt beim Freibachtalfest  
wird de Musi von der GEMA geschenkt.

Drum meldet er des  
goa ned erst a,  
GEMA war ja 2010  
erst an uns dra.

Pawo, de wissn doch des  
jetzt scho a boa Jahr,  
dass a Musi gspielt wird,  
beim Fest der DJK

Natürlich is a Rechnung kemma  
und a glei der große Kummer,  
denn de ham de Gebühren für 2012  
**und** für 2011 glei midgnumma.

Pawo, für 2013 solltest des  
jetzt oba dann wissn,  
de GEMA mogs ned,  
wenn's wird beschissn.

---

A andere Sach,  
hob i heier no gseng,  
i woas ned, soll i di  
loben oder schimpfa desweng.

Bei der Fahrt zu eiam Vereinsausflug  
hob i des erspäht,  
do host du erkannt,  
dass da Grade is zu spät.

(Pawo)

Der liegt no dahoam  
und pennt se aus.  
Du denkst da,  
den schmeiß sofort vo de Federn raus.

Doch die Haustür war zu  
und er nicht zum daschrei'n  
Du schaugst a wenig rundum  
und scho fällt Dir was ein

Da Pawo schmeißt mid Wallnussfrücht  
an sei Schlafzimmerfensta,  
des wird er dann  
scho hean, denksta. (denkst Du Dir)

Na ja, er hätts wahrscheinlich  
schon g'hört vei eher  
wenn die Trefferquote wär g'wesen  
a bissal heher

Du hast mindestens  
20 moi gwofa  
aber ned oamoi  
des Fenster drofa

Und weil die Frücht warn  
ziemlich weich und gar ned hard,  
´n Grade sei Hauswand  
ziemlich ausgeschaut hat

Pawo, an Grade sein Mam  
die wart' fei immer no  
dass Du endli fangst  
mit'm Weisseln o

## **Berger Martin**

(Mario)

Jetzt kimme zum Berger Martin  
oda umgangssprachlich da „Fünfa“  
von dem hört ma gar nimma so vai,  
soiad ma zumindest denga

Lang hobe do suacha kinna,  
und hob kurzzeitig dacht,  
„Is der jetzt zahm?  
Hods de Moira vollbracht?

Aber dann hobe moi im Januar  
auf Zell am See g'schaud,  
do ham a paar Thanndorfer  
sauba auf'n Putz ghaud

B'sunders oaner, der in der Skiunterwesch  
durchn Hausgang springt  
und dabei genüsslich  
„I'm sexy and i know it“ singt

Wos a beweist, dass deine  
ruhigen Momente san rar,  
san deine Stänkereien  
gegen an gewissen Kotelettn-Karl

Oba vorsicht lieber Martin  
reizn ned den Ma  
sonst foid di irgendwann  
no da Werwigg a (von Werwolf)

Oba i häd no für di  
an Vorschlag zur Güte  
wenn du wieder bist  
bei ruhigem Gemüte,

dann sog earm doch,  
kimm moi beim Wirt vorbei  
und lod'n einfach  
zum Turmsaufa ei

## Sittinger Michael

(Grade & Flo)

Jetzt kema zu einem neuem Mitglied  
bei der DJK,  
da Sittinger Miche,  
der is jetzt dra.

Dass du gewechselt bist,  
hat schnell g'macht die Runde  
und mi g'freids, dass i die begrüßen derf,  
in unserem Bunde.

Wia du g'schossen hast a Reh,  
im Woid hab i di scho g'seng,  
Do war i scho froh, dass i ned  
mit dem Reh verwechselt bin gwen

Von Anfang a,  
warst in da 1ten voi dabei,  
für mi duad des aber  
koa große Überraschung ned sei.

Du bist meistens da,  
zum Training und zu de Spiele,  
obwoi du hast ja no andere Hobbys  
und des san ah no recht viele.

Vom Training hast du die sch a paar mal,  
entschuldigen loss'n.  
weil es war ja wieder amoi  
zum Jagdhornblösn.

I hoff für die, du duasd mehra Viecher schiaßn,  
als Tore mocha,  
denn 2 Fasaner in einer Saison,  
des für an Jager direkt zum Locha.

Drum Michael, nächstes Jahr  
greifst wieder sauber an,  
dann kommst mit Sicherheit  
wieder in da 1ten dran.

**Plattner David**

(Mario)

Als nächstes hob i an David Plattner  
auf meiner Listn  
den seg i scho lang nimma  
übern Fuasboiblotz flitzn.

Hobe doch gherd du reißt da für DJK  
an Hintern gänzlich auf  
und dass'd du des hosd  
auf diverse Handyfotos drauf

Doch von unserm Platsche  
lässt sich auch anderes berichten  
der liefert auch heuer wieder  
so manche Geschichten.

Wenns schon beim Fussball  
nicht sonderlich läuft  
Hast du Dir in Abshofen bei Egglham  
a Häus'l gekauft

seit September dads du und Simone  
fleissig umbauen,  
auch a paar Freunde dern do  
öfter mal vorbei schauen

Auch mid denen duasd du  
dann fleißig schwitzen  
dann kann ma unter der Woche  
a moi bis um halb 2 sitzen

in deinem Heisl hosd du auch  
an neia Pelletsofen aufbaut  
oba hosd du vielleicht de Beschreibung  
ned guad agschaud?

Hosd doch dein Ofen  
glei moi programmiert,  
aber es iss schon komisch,  
dass di owei no friert



Hosd eifrig den Ofen  
auf Heizen ab 3 gestellt  
doch hosd die um an Tag  
zu spät glei selber prellt

Und weil des no ned  
fuxn duad gnuä  
hosd an dog später glei no  
a verstopfts Ofarohr

also lieber David  
i wünsch Da auf alle Fälle  
dasd wida gsund wirst  
auf die schnelle

und wieder fleißig  
Tore einhaust  
und nimma so vui auf deiner Baustelle  
aufn Bierkasten schaut

Und wenn scho a gemeinsames  
Haus agschafft is  
dann kimmt doch woi Heirat  
und Kinder boid, ganz gwiss

## Roßdorf Björn

(Ostner)

Jetzt zu am Neuen  
in dera Rundn  
ja Gott sei dank,  
hod der nach Thanndorf g'fundn

Für den, derna  
no ned kennd  
Roßdorf Björn  
er sich nennt

Mit Arbeit kann ma an Björn  
ned versprenga  
denn Freundschaftshilfe is für eam  
des oia wenga

Doch so manche Bbaustellen  
san a für erm moi schlimm,  
speziell de vom Pladsche  
kind mir in'n Sinn

Do is a scho  
moi rauh zua ganga  
er woid am David  
am liaban oane glanga

es woäß aber jeder ganz genau  
ah wenn du moi sogst  
"Du host doch an Schatt'n"  
am nächstn Tag do  
stehst wieder auf da Matt'n

Feiern, ja feiern duast a ganz gern  
manchmal bleibst  
am nächsten Tag  
sogar von da Arbeit fern

A Entschuldigung hattest a  
glei parat,  
"Mana mia hods  
an Mong verdraht."

Aber Oans des muaß i  
da scho no song,  
war der Abend  
a no so lang.

Um deine Notdurft  
in Zukunft zu verrichten  
geht man aufs Clo und auf'n Abfalleimer  
duasd verzichten.

(Nikolaus schaut Björn an)

Jetzt moane heama auf  
die zum drangsaliern,  
mia mechtma di ja  
ned glei wieder verliern

### **Ostner Christoph**

(Grade & Flo/Pawo)

Da Ostner Christoph,  
ja der kimd jetzt dra,  
er schaut so brav aus,  
man kennt's earm ned a

Im letzten Training hats zamg'sitzt  
und es is a bissl länger won  
und weils no ned g'langd  
seid's no ins Monacco g'fohn. (gefahren)

Es habts sauba g'werkt,  
g'suffa und g'lacht  
aber Gedanken an Morgen,  
hast da ned gemacht.

Um 7 Uhr früh warst  
dann auch du mal im Bett,  
das fand aber die Anja,  
gar ned nett.

Du hättest ihr helfen sollen,  
für eine Party aufzubauen,  
aber du hast ja nur lieber gestern  
auf'n Putz gehauen.

Du hast dich auf'n Weg gemacht,  
Richtung Anjas Geburtstagsfeier.  
Du hast dir nur gedacht.  
„I kann noch nicht fahren, ohweia“!

In Nöham hast dann gemerkt,  
das heut nix geht  
und hast da Anja erzählt,  
wie schlecht es dir geht.

In Nöham hast du dich dann  
entschieden, umzudrehen,  
was eigentlich keiner kann  
so recht verstehen.

Die Weglänge wär die selbe  
geblieben  
aber du wolltest lieber  
in deinem eigenen Bette liegen.

Ich hoffe was ich dir damit sagen wollte  
konntest du verstehen,  
einfach mal ein bisschen  
früher heim gehen .

---

A andere G'schicht  
ums gleiche Thema  
es is immer des  
gleiche Schema

Er woid moi schnell  
nach Mariakirchen fahr'n  
auf a schnelle Halbe  
und goa ned lang

So hod er's versprocha  
seiner Freindin a,  
„a halbe Stund, dann  
bin i eh wieder da“

Sie hod's earm glaubt  
und auf earm g'wart'  
weil sie glaubt ja earm

wenn er was sagt

Aber wia so oft  
wenn man was verspricht  
kommts ganz anders,  
man kennt die G'schicht

Um Zwölfe macht aber  
des Breustüberl zua  
Jetzt scho hoam  
i hob doch no ned gnua

Nur no schnell  
zum Stötti fahrn  
für an kloan Absacker  
ja goa ned lang

so iss dann leider  
doch a bissal länger won  
i glaub, er hod sogar g'seng  
a bisserl die Sonn'

Drum Christoph merk Dir eines  
und des is gwis  
versprich niemals a Uhrzeit  
wenn's zum Heimgeh is

---

## Sager Lukas

(Mario)

Da Sager Lukas is da jüngste  
im Team der Senioren  
doch auch der hats faustdick  
hinter den Ohren

So fleissig du übern  
Fuasboiblotz rennst,  
genauso du kein Treffen  
mid Freunden verpennst

Als Frauenmagnet bist du  
überall bekannt,  
aber obs die mid deem Pornobalken  
auch ham alle erkannt??

So lang is er dann  
doch ned dran gwen  
is des ebba am Spitznam  
„Schnauzbart-Wigg“ gleng??

Mim Oisse bisd in Arnstorf  
beim Mario gsitzt  
und häds beim Whiskeytrinken  
boid den Auftritt vom Grade verschwitzt

---

Ihr sads dann no  
rechtzeitig obegerollt  
und a da restliche Abend  
war a voller Erfolg

Ohne Auto bist hoamkema  
is ja ned tragisch, koa frog  
des steht guad beim Mario  
a über drei Dog

Doch hosd an Vogel  
glei nomoi obg'schossn  
weil'sd a dein Geldbeutel in da Wohnung  
genauso lang lieg'n hast loss'n

Drum lieber Lukas  
genug mid de Gschichten  
nextes Jahr mecht i  
mehr Sportliches berichten

Dua brav bleim und halt di  
an meine Wünsche  
sonst griagst nexts Jahr a Biache  
genauso wia damals da Münsche

## Weixlgartner Stefan

(Haider)

Da Weixlgartner Stefan is in da zwoatn kaum zu ersetzen  
und do dua i ned liang  
weil fast bei koan andan  
de Gegner so sche fliang.

Als F –Jugend-Trainer hilfst du  
a no dem Verein  
do soge Respekt denn so leicht  
duad des ned sein.

Das ma do a moi a Pause braucht  
vom Training der 1. und 2.,  
des kann ma scho glauben  
und brauchts ned bestreiten.

Und so schickt da Stefan a SMS zum Gerd,  
dass er kann heut ned kommen“  
und des obwohl eure Kinder  
Opa und Oma haben genommen.

Da Gerd denkt se dem werd doch ned  
vor mein Training grausen  
Na, na, da Stefan wollt nur wieder moi  
in Ruhe ... (Pause) Essen gehen.

**Lehner Rudolf**

(Pawo)

Auf oan ist Verlass  
bei jedem Spiel,  
des is da Lehner Rudl  
unser altes Fosil

Für Di is da Fuaßboi  
no lang ned vorbei  
Drum warst Du a wieder  
im Trainingslager dabei

Jeder andere dad se  
in Dein'm Alter wohl denga  
Fuaßboischua du i jetzt  
an den Nogl hänga

Aber Du denks Dir:  
„Wos soid der Schmarn,  
I kauf mir neie Schua,  
und greif nochmoi richtig an

Für d'Schua suachst da Du  
a Farb aus, wia für an Junga  
und host da desweg'n  
schneeweiße g'numma

Aber Rudl, a wennst das jetzt  
ned hearn duast meng  
aber des muast  
doch selber eiseng,

so weiße Fußboischua passen eher  
zum dunkla Brasilianer  
und ned zu Dir, so'n  
weißen Spaghetti-Indianer



## Kroiss Renate

(Julia)

Und weils no ned vorbei  
is mi da rederei,  
is jetzt die Krois Renate  
an der Reih.

Oans muas i da jetzt  
scho moi song,  
so a Geldkasse vom Kiosk  
kann ma a zu Fuß hoam drong.

Beim Mario seinem Geburtstag  
hast gemeint, dass'd das fährst,  
ned das a Fremder beim  
Heimgeh ausleert.

Doch d'Mädls ham'd scho gemerkt,  
dass du nimma fahren darfst,  
und du zum Geh'n hast  
a wenst ned magst

Im Vereinsausflug hast  
an Schweizer an Hof gemacht,  
als du dich umgedrehst hast  
ham de anderen schon gelacht.

G'foin hod's dir, wie  
er dich umgarnt hodt,  
da hast zum Rob  
"mei is heid oba sche" gsogt.

im Großen und Ganzen  
muss i de aber loben,  
denn du hast no immer mit da  
DJK an einem Strang gezogen.

## Kroiß Tobias

(Julia)

Jetzt komm i zu an ganz  
an bsundern Keksliebhaber,  
Beim Krois Tobias sand de  
G'schichten a ned all zu mager.

Gwusst hobes no ned, dass in dir  
a Krümelmonster steckt,  
doch dein Passbild fürd'Krankenkass  
hod ausglöst an technischen Defekt.

beim zweiten Bild hods  
oba dann scho no highaut,  
mei bei da Krankenkass  
hods öfters scho länger braucht.

I hoff deine Arme geht's  
scho wieder gut,  
trotz Muskelkater Fußball  
zu spielen, verlangt viel Mut.

Denn die Verletzungsgefahr war  
an diesen Tag ziemlich groß  
und das Glück nicht zu fallen,  
fällt einem ja auch nicht in den Schoß.

Schade dass du momentan  
nicht so oft kannst Fußball spielen,  
da Verein dat de scho gern moi  
wieder sehen, beim aufs Tor zielen.

---

**Brandl Harald**

(Pawo)

A wenn er heit is  
wahrscheinlich net do  
trotzdem is er  
bei mir jetzt dro

es geht um  
Harald Brandl  
er is scho  
windigs Mandl

nein, des hab i wirkli  
net bös jetz g'meint  
Aber ebs anderes  
hod se net g'reimt

Wenn in der Zwoatn wieder  
herrscht a Spielernot  
dann is er sofort do -  
ausser er koa Zeit ned hod

Aber in Taufkircha  
da war er dabei  
die Ansprach vom Gerd  
war agrad scho vorbei

Er ziagt sei Hos'n  
und sei Dress glei a  
Seine Fuaßboischua  
hod er a scho dra

Da denkt für sich: „Seltsam,  
egal ob i geh oder steh,  
duad mir mein rechta  
Zehan so weh“

Der Schmerz war aber  
recht leicht zu erklär'n  
wenn zwoa linke Schua  
anzog'n wern

**Kagerer Stephan**

(Mario)

Da Kagerer Stephan  
der guade ma  
der duad für die DJK  
ois wos er ka

egal wos a immer ois  
afoid im Verein  
Da Stephan is do,  
is der eigentlich a moi daheim??

Jetzt hosd bei de fuasboina  
scho so vui zum grei  
und selber mid da zwoaten  
trainiern und spain

doch is des fürn Stephan  
no lange ned gnua  
hilft er doch bei der Feiawehr  
Mariakircha a no dazua

Auf dem Platz wirst du boid  
als jüngster der Zweiten geduldet  
doch is des ned  
deinem niedrigen Alter geschuldet

mid der Organisation der Zweiten  
hosd a schweres Kreuz zu tragen  
vielleicht solltest beim Norbert  
moi a Sekretärin anfragen

in deem Haus in Mariakirchen  
wie se jeder vostaun ka  
hosd du a Fuasbonheizung drin  
wia a jeda gscheide Ma

ausser im Schlafzimmer do soids ja  
koid sei in der Nocht  
und für gewisse Stunden da Stephan  
einfach an Heizkörper amocht

## Maier Sebastian

(Grade & Flo)

Vom Maier Sebastian,  
dua i jetzt berichten,  
damits a ihr erfahrts,  
erm seine G'schichten.

Mit 21 bleib'n manche  
scho liaba dahoam,  
aber du fährst ja immer mehra,  
furt zum Schwoam.

Am Samstag warst du dann,  
in da 2tn aufgestellt,  
hast di aber, am Freitag  
sauber zugeprellt.

In da Kabine hods dann  
sauber nach Alkohol g'stunga,  
dummerweis warst du der oanzige,  
der am Vortag hod wos drunga.

Aufgregt host du di:  
„Wos miasn de Hebertsfeldener a am Samstag spain?  
Am Freitag is doch Blamage,  
des brauch i ja koam verzain.“

Jetzt kann ma nix mehr macha,  
jetzt is scho vorbei,  
aber de Spielerkasse,  
de werd se g'frei.

Dei schulische Laufbahn,  
de is jetzt Geschichte,  
aber dua di ned obe,  
a wennst studierst krieg i meine Berichte.

In Regensburg,  
hast da a Wohnung g'numma,  
do hod ma wieda g'merkt,  
du bist gar koa Dumma.

3 Mädls und du,  
in einer WG,  
wie du des geschafft hast,  
werd i niemals versteh.

I kenn die Antwort,  
aber i dua jetzt nix berichten,  
i brauch ja nächstes Jahr  
a no a paar Gschichten.

### **Frey Christian**

(Haider)

Als nächstes kemma zu einem  
seltenen Kandidaten  
es is da Frey Christian  
habts richtig geraten.

Ois Schriftführer hast du bestimmt  
einiges zum doa  
a neie Arbeit hosd a  
des is ois ganz kloa .

Aber dass ma di goa nimma segd  
es is fast zum Woana,  
den hams ja eigsperrt  
kannt ma fast moana.

Da Roland und da Frosche  
ham se a scho beschwert  
weil zu Dritt die Hoibe am Grill  
scho besser schmecka deand.

Drum gib da an Ruck und  
schau wieder öfter herein  
do g'frein se de Freind und da ganze Verein.

## Kapfhammer Christoph

(Johanna)

Übern oan wia an Kapfhammer Christoph  
derma uns olle g'frein,  
weil er die medizinische Versorgung übernimmt,  
in unserm Verein.

Hod se a Spieler  
unterm Spai verletzt,  
kimmt da Kapfe mid seim  
Koffer ag'fetzt.

Beruflich host de a  
anders orientiert,  
drum bist jetzt am Sonntag  
nimma lang beim Wirt.

Fria muast aufsteh,  
da Dog fangt boid a,  
do kamma nimma spinna  
wia a junga Ma.

In Winzer is dei  
Arbeitsgeber stationiert,  
doch du meistens  
in Wien gastierst.

In a Pension bist du de  
ganze Woch unterbrocht,  
desweng host Thanndorf  
zum Zweitwohnsitz g'mocht.

Oan gravierenden Vorteil  
hod des ganze oba doch,  
er richt koan Schaden a,  
weil er selten selber kocht.

Host am Freitag Feierabend,  
und fohst Richtung Heimat fuad,  
so a gloaner Bissn vorm Hoamfohn,  
dad jetzt scho no guad.

Von der Baustai zum Mäci,

durch de ganze Stod,  
do is ma scho froh,  
wenn ma a Navi hod.

Du fohst scho moi los,  
bis se des Navi eistaid,  
du host gmoand,  
du bist da Chef auf da Waid.

Du fohst und fohst,  
dei Mag'n hod scho knurrt,  
doch dann hod a de  
verloss'n, dei Muad.

Des Ziel war erreicht,  
hod dir des Navi g'sogt,  
und de Leid auf da Baustell',  
ham olle g'locht.

Do bist du nämlich wieder akemma,  
auf deiner Arbeitsstell.  
Du host die Navi ned umgestellt,  
vor lauter schnell, schnell.

Kapfe merk dir den Rat:  
Stell des Ziel immer um,  
sonst fohst du ewig  
im Kreis herum.

---



## Gamsreiter Roland

(Julia)

Zum Gamsreiter Roland  
i jetzt eich wos bericht  
i hob do so g'herd  
eine kleine Geschichte.

Mit 30 megst moana  
da kanns nimmer schlimmer wern  
do werds ihr staun'n  
wos ihr jetzad werds hearn

Heuer hast da a neue Freundin  
ans Land gezogen,  
a blondes Mädli  
vo Nöham oben.

Viel Spaß habts immer  
in die Runde gebracht,  
im Ausflug hamd Leid  
viel mid eich g'lacht.

Jetzt muas i oba scho  
no was Interessantes zaong,  
am aller besten kracha  
losts es es zwoa dahoam.

Zuhause zu zweit  
Louping Lui spielen,  
und nach no Zeit kann ma  
hoid dann nimma so zielen.

Do lost da Rausch hoid  
nach na Zeit scho griaßen,  
wos ihr nächsten Tag  
erst miasst biaßen.

Und trotzdem ihr a super  
schönes Paar seid,  
wos mi scho narrisch  
ganz stoag gfreid.

## Läng Alex

(Mario)

Vom Läng Alex muas i  
eher selten berichten  
der hoid se sehr rar mid  
oi lustige Gschichtn

doch manchmal brauch i  
gar ned zu fragen  
da wern mir so Gschichtn  
einfach zugetragen

Da Alex seines Zeichens ja Schreinermeister  
miasad ma moan  
dem Kimd koa wackliges  
Möbelstück hoam

seit einiger Zeit wackelt  
de Tischplatte doch sehr  
und Johanna sogt zum Alex „  
bitte richt's hoid her“

Doch da Alex hat den passenden  
Rat schon parat  
muasd hoid aufpassen  
dann gibt's a ned nach

Und weil die ganze Zeit  
is nix passiert  
Mecht ma fast moana  
dass di eh nimmer interssiert

Doch wenn dann da Alex  
de Platten selber obebricht,  
dann wird a de Dischplatten  
plötzlich ganz schnell g'richt

---

## Läng Mario

(Grade & Flo)

Vo unserem Stürmer vo da 1tn,  
is jetzt de Red,  
da Läng Mario is gmoand,  
wer kennt den ned.

De Busfahrt ins Karpfhamer,  
de liegt am Mario am Herzen,  
auf de zum verzichten,  
kannt er ned verschmerzen.

Drum hod er a wieda,  
glei an Bus organisiert,  
und a so g'schaut,  
dass nix passiert.

Wia's s g'herd host im Bus,  
dei Rede g'hoidn,  
und de Leid no g'sogt,  
wanns wieda zum Bus kema soidn.

Um halb 1 waren dann  
alle im Bus,  
nur für den Mario,  
war noch nicht Schluss.

Aber der Mario,  
der war ned zum finden,  
des kanns ja ned sei,  
bei der Größ' zu verschwinden.

Leider hat aber keiner,  
soweit gedacht,  
dass du am Biertisch,  
dei Nickerchen machst.

Ja des Heimfahren,  
do is da Mario a großes Talent,  
a im Oktoberfest,  
hast'as a biss'l verpennt.

Ihr wards ja scho kurz  
vor der Heimreise,  
aber du hast no wos zum Ess'n braucht,  
auf schnelle Art und Weise.

Die Gruppe is dann,  
ohne dich nach Hause,  
weil du hast ja no braucht,  
dei Essenspause.

Mario, dass ein Zug ned wartet,  
des brauch i dir doch ned sagen,  
du hättst ja einfach a mal  
an Gerd oder Pawo können fragen.

Der letzte Zug,  
war a spät genug für di,  
a ohne Zugticket,  
des haud scho hi.

Es hod ned lang dauert,  
bis'd eigeschloffa bist,  
wia schnell de Zeit bei da Zugfahrt vergeht,  
hast aber sofort in Passau gwisst.

In Passau hast dann weidagschloffa,  
auf einer Parkbank,  
aber es war ja ned koid,  
Gott sei Dank.

Und weil du ja bist,  
a no so klein,  
is a Parkbank zum Schlaffa,  
sowieso recht fein.

Nach ein paar Stunden Schlaf,  
bist dann wieder nach Landau zurück,  
do hod di dann dei Schwester ghoid,  
hosd du ein Glück.

Aber Mario,  
des muasd uns jetzt scho no song,  
hosd di ebba ned traut,  
dei Laura zum frong?

### **Gamsreiter Stefan**

(Pawo)

Über oan do habe i scho lang  
koa Wort wehr verlorn  
Gamsreiter Stefan  
jetzt spitz moi Deine Ohrn

Na, Du brauchst a ned  
nervös jetzt wern  
denn es wird jetzt sicherlich ned  
zum Schimpfa wern

In der Zwoat'n hod ma di jetzt  
scho paarmal g'sehn  
wia's die Seitenlinie viere  
und z'ruck tigert bist gwen

ok, oamoi viere und dann  
a wenig pausiert  
zum Ausschnaufa wird dann gmiatlich  
noch hinten spaziert

Nach 10 Minuten warst Du  
wieder soweit  
und standst für den nächsten  
Konter bereit

Aber duad di aber ned owi  
des is hoid so  
dei Stürmerkollege  
macht des scho immer so

Man dad den scho manchmoi  
schimpfa miassen  
aber er duad hoid owe no  
seine Tore schiaßen

Drum wenna beim nächsten Moi  
a moi a Treffer land'st  
a **Du** g'miatlich  
vorn steh bleim kannst

Aber g'freit mi, dass Du aushelfst  
immer wieder  
a wenn nächsten Tag, Dir weh dean  
Deine Glieder

### **Sager Florian**

(Ostner)

Da Sager Flo der hod bis jetzt  
de meisten Tore gschoß'n  
ja do kannst de meistens  
scho auf earm verloss'n

Allerdings kanns  
scho moi sei  
dass er vorm Abschlusstraining  
schloft no ei

Des Training host du  
komplett verpennt  
da Gerd nur sogt  
„Sowos er a no ned kennt

Mit de Verletzungen  
is bei dir a wengal a Kreuz.  
Fast jeden Sonntag  
gibts do wos Neis (neues)

Aber seitdem du d'Michi  
als Freundin hast  
moan i hod si a da Tape-Verbrauch  
an ihr'n Beruf apasst (angepasst)

Jetzt host zumindest a gute  
Ausred für's „Zuspätkemma“  
Du moanst nua: „Männer i bin  
vom Tapen hergekämma“

## Thalmeier Andreas

(Johanna)

Beim Thalmeier Andreas,  
mit der Nr. 1 im Tor,  
do kemman a immer wieder  
so komische Sachen hervor.

So hob es zum Beispiel  
Im Fasching gesehn,  
i glaub in Johanniskircha  
is gwen.

Joki is ja in aller  
Hinsicht a kleiner Konkurrent,  
so muas ma scho schau,  
dass ma nix verpennt.

Drum host du gschaut,  
dass du vai gnua zum Dringa dawischt,  
allerdings iss da des Zeig  
wieda vom Mei ausse zischt.

A ganz andere Sach  
is mir zu Ohren gekommen,  
i hab des erst gar ned  
richtig vernommen.

Du bist mim Auto unterwegs,  
drei Leid mid dabei,  
do kimmt dir plötzlich a  
komischer Gedanke ei.

Du mechst überhoin,  
es kimmt a koa Gegenverkehr,  
Zur Sicherheit frogst du an Beifahrer,  
kimmt auf **deiner** Seitn eigentlich wer?

Deine Mitfahrer hom schaut  
und nur an Kopf gschüttelt,  
vielleicht kerats du a moi  
gscheid durchgrüttelt.

Wos des zum bedeitn ghobt hod  
woast ned a moi du,  
pass auf mid solche Äußerungen,  
sunst kemman de Leid mid de weißn Turnschuh.

## **Stömmer Dominik**

(Grade & Flo)

Krankenpfleger, Polizist,  
Physiotherapeut und Versicherungsmann,  
da Stömmer Dominik,  
der is jetzt dran.

Und weils ned g'langd,  
bist a no beim Lindner beschäftigt,  
aber, ob du do was arbeitst,  
des bezweifelt mancher heftig.

Aber Dominik,  
wird dir des ned z'vei?  
Am Sonntag solltest du ja  
a no zum Fussballspei.

Spielersitzung is g'wen,  
da Gerd gibt de Aufstellung bekannt,  
aber deinen Namen,  
hat er nicht genannt.

Deine Worte waren in etwa:  
„Ja, Gerd pass auf, i kann ja spain,  
schreib me auf für'n Sonntag,  
du kannst auf mi zain.“

Es war soweit,  
da Sonntag is kema,  
am Fussballplatz warst dann ned,  
du ganz du Schena.

I woas ja ned,  
wos am Vortag war,  
aber du stehst ja a moi gern,  
ganz noggad(nackt) an der Bar.



Du hast imma gsagt,  
ja direkt gsunga:  
„De letzte Hoibe,  
hama owei no naggad drunga“

Was du damit bewirken willst,  
da bin i mir ned sicher,  
aber von den Frauen,  
da hört man immer nur Gekicher.

---

### **Grad Maximilian**

(Ostner)

Zum Grade, ja do gibt's a heuer  
wieder so einiges zum vozain  
und geht's des ned nua  
übers Fuaßboispain

Winterpause is für'n Grade  
a gefährliche Zeit  
denn da hsteigt bei earm  
de Verletzungsanfälligkeit

Glei 2 moi hodsn dawischt kod  
letztes Joar  
hod des ebba a wos  
mid'm Alkohol zum doa??

(nikolaus schaud grade a)

Sogar da Sanka  
is gekommen  
wia am Fuaß des Blut is  
in Strömen geronnen

Und kaum war des  
erste a bissl verheilt  
host da du im Pub  
Dir des Außenband'l zerteilt.

Manchmoi wenn's am Abend  
a weng länger worn is  
dann is des mid'm Aufsteh  
bei dir a wengal a G'schiß

Zum Vereinsausflug host  
a weng a Hilfe beim Aaufsteh'n braucht  
do is sogar da bus vor  
deiner Haustür auftaucht

Zum Glück host du dei Zeig am Vortag  
scho zamg'richt g'habt (gehabt)  
denn des häd in der  
Früh bestimmt ned g'klappt

aber d Hauptsach is  
du warst dabei  
wos war des nur ohne die gwen  
O mei O mei

### **Sänger Patrick**

(Julia/Pawo)

Vom Sänger Patrick  
gibts a was zu verzain (erzählen),  
a wenn er momentan nimma  
so viel fuaßboi dua spain (spielen).

Du warst ja scho immer  
a richtiger Kavalier,  
und a dieses Jahr host du  
zoagt deine Manier.

Beim Fuadgeh bist du  
so und so für manche Frau da Held,  
du schaut sogar drauf  
dass ihr beim Speim d'Frisur no hält.

Ihr dads jetzt gern wissen,  
wer des waar  
aber leider steht bei mir  
da Nam a ned da

Beim Blamage in Dietersburg  
is a wos gscheng  
wia ihr auf der Parkplatzsuche  
sads gwen

(Pawo)

Nix war mehr frei, außer  
vor dem Parkverbotsschild  
Die andern hom se g'fragt,  
ob des a für earna gilt?

Aber Du duast do  
gar net lang rum  
und packst des Schaitl  
und draht as um

Ja, do bist du  
a richtiger Hund  
jetzt gilt Parkverbot nur für Autos  
in da Böschung unt'

Beim Hoamfohn draht as aber wiader zruck,  
so wia se's g'höht  
damit s'nächste moi der Platz  
ned zuaparkt wird

### **Huber Manfred**

(Julia)

Jetzt ist a g'standener Mo  
da Huber Manfred dran,  
über den i eich a  
so einiges sagen kann.

Viel Stress hast heuer  
mit da Schule ghabt,  
einen Ausgleich du beim  
Fuadgeh g'funden hast.

I glaub, du kannst zur Erholung  
uns geben an guten Tipp.  
"Stress abbauen geht nur  
mit an gscheiden Männerstripp".

In da Nöhamer Hütt'n host  
de ausgezogen ohne Zwang.  
Irgendwann war keine Kleidung  
mehr an dir dran.

Beim Fuadgeh kann di hoid  
keiner so leicht stoppen,  
nur dei Freundin kannst  
selbst du ned toppen.

Dank ihr bist moi in da Binderhütt'n  
bis 11 Uhr mittags g'wen,  
obwohl du scho längst um oans  
woidst nach Hause geh'n.

Seit dem neuen Auto vo da Mona  
bist da Meinung, es fährt der Mann.  
D'Mona und ihre Freundinen finden  
beim Fuadgeh is da was dran.

Hinter dir hast a verletzungs-  
reiches Jahr,  
da kanns selbst dir mal passieren  
dass de Schien' is am falschen Fuaß dra.

Blöd nur weil di de anderen  
hab'ns g'sehn,  
mei a guada hoids aus  
und kann trotzdem geh'n.

**Schluss**

(Pawo)

So meine Thanndorfer  
das Ende ist in Sicht  
das war alles, was meine  
Engel haben gedicht

I hör jetzt auf  
ich bin so frei  
denn des war's jetzt  
mit der Levitenleserei,

Manche kamen gut weg,  
andere eher schlecht,  
aber i darf halt ned lügen,  
a wenn i gern mecht

Drum seid's mir ned bös  
und seht's es entspannt,  
die schlimmsten Sachen  
hab ich eh nicht genannt

Über so manchen  
hatte ich auch heuer keine G'schicht'  
Entweder war er z'brav, oder  
es hat keiner was bericht'

Hoid's weider so zam,  
und lost`s es gracha,  
dann ham ma nächst's Jahr  
wieda wos zum Lacha.

Nun wünsch ich euch allen  
alles Glück auf Erden  
und dass Eure Wünsche in  
Erfüllung gehen werden

und lasst's die Weihnachtszeit  
ned in Stress ausarten,  
manche Sachen können a  
bis nächst Jahr warten

Genauso wia letztes Jahr  
soll's wieder so sei,  
weil des führ' i  
als neie Tradition jetzt ei

Drum sog i zum Vorstand,  
loss di jetzt ja ned lump'n,  
und bring für Deine Dichter  
a Gin-Cola-Rund'n.

Jetzt muaß i aber wieder  
fort von hier,  
aber keine Sorge,  
es hört's von mir,

Denn heute ist  
nicht alle Tage,  
ich komme wieder,  
keine Frage.

---